



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i članova 129 i 130 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13, 31/13 i 50/18), Skupština Brčko distrikta BiH, na I. nastavku 37. redovne sjednice održanom 12. decembra 2018. godine, donosi

O D L U K U
O ODRŽAVANJU JAVNE RASPRAVE O
NACRTU ZAKONA O IZMJENAMA I DOPUNAMA ZAKONA O UDRUŽENJIMA I
FONDACIJAMA BRČKO DISTRIKTA BOSNE I HERCEGOVINE

Član 1

Ovom odlukom uređuje se način održavanja javne rasprave o Nacrtu zakona o izmjenama i dopunama Zakona o udruženjima i fondacijama Brčko distrikta Bosne i Hercegovine.

Član 2

Nosilac aktivnosti provođenja javne rasprave je Komisija za obrazovanje, sport, kulturu i saradnju s vjerskim zajednicama Skupštine Brčko distrikta BiH, a stručnu podršku će dati Vlada Brčko distrikta BiH.

Član 3

Zadužuje se Vlada Brčko distrikta BiH da, u roku od tri (3) dana od dana usvajanja ove odluke, Nacrt zakona iz člana 1 ove odluke učini dostupnim na web-stranici Vlade Brčko distrikta BiH www.bdcentral.net.

Član 4

Javna rasprava održat će se 23. januara 2019. godine s početkom u 12 sati, u velikoj sali Skupštine.

Član 5

Finansijska sredstva za organizovanje i provođenje javne rasprave osigurat će Vlada Brčko distrikta BiH.

Član 6

Nakon provedene javne rasprave, Komisija za obrazovanje, sport, kulturu i saradnju sa vjerskim zajednicama Skupštine Brčko distrikta BiH će sumirati kompletnu raspravu i podnijeti Skupštini Brčko distrikta BiH izvještaj s prijedlozima i mišljenjima s javne rasprave.

Član 7

Zapisnik s javne rasprave bit će dostavljen zastupnicima Skupštine Brčko distrikta BiH i gradonačelniku Brčko distrikta BiH najmanje petnaest (15) dana prije nego što se Nacrt zakona iz člana 1 ove odluke uputi u proceduru drugog čitanja.

Član 8

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-490/18

Brčko, 12. 12. 2018. godine

**PREDSJEDNIK
SKUPŠTINE BRČKO DISTRIKTA BiH
Esed Kadrić**

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Komisiji za obrazovanje, sport, kulturu i saradnju s vjerskim zajednicama
- 5) Odjeljenju za stručne i administrativne poslove
- 6) Direkciji za finansije
- 7) Sektoru za koordinaciju politika i opće poslove
Odsijeku za opće poslove
- 8) Arhivi